

# OMUKUETU

No. 8

Augustus

1953

## UULUNDE TAU ETA OLUHEPO.

Okua li ku nomusamane gumue ngoka i ihilile onkaji je muene nuunkolui ue. Okua hanagula po iinima je ajihe, navulua okua gandia po uo omizalo de adihe, opo a peue ovalende a uape ngeji okuinjanjuda okacimbo kouala. Esikulje lja hugunina okua ji moshikeca e ta kuca mo sha shomizalo de a ka lande ovalende. Okua kuca ngeji omizalo de, oshoka kee na ue sha shilue, niimaliua je e ji mana po sheke.

Esiku ndjoka okua landa ovalende e ta nuine tuu mpoka pomulandici gue. Sho a nu okua ti: „Ijalool! Ngashingeji uujuni oua ninga uandje!“ Je ina tseja kutja enjanju ndjoka ljokacimbo lja zi miikolica otali mu etele oluhepo muomizalo, noluhepo ndoka otalu mu jugu ombili nenjanju lje.

Okua zi ko e te ja kegumbo. Okua li kee shi shoka ta ningi, oshoka okua kolua unene. Mondunda je jokulala okua tema mo omulilo. Nani, omulilo gua ningi omunene sigo ondunda moka a li mo ja huama. Molua shoka Kalunga omuiidimiki no iha uluma okua pomuntu, okue mu gamene. Omeho ge oga tonata e ta mono osheelo okua mo mondunda ndjoka ta ji pi, e ta ji sigo okondje jegumbo. Oondunda adihe duupungulo da taambacana omulilo. Uunima ue mbuka ua hupu komakende golambika ua pi po isheue. Kapua li ngoka te mu kwaca, oshoka aantu inaa tseja sha. Ngiika noondunge doka dokukuga onkugo ngiika de mu cigi po.

Iinima je ja pja po ajihe. Ngashingeji oku li po oje auike ti. Oluhepo luonkaji lue mu aada. Okua li e nokuholima, oshoka paantu oojakuauo ota sohoni okuja po. Iha njanjukua ue ngashi shito pamue noojakuauo. Ihe ende ue puujelele; aluhe ohe ende uusiku, nokuikalela muupongo ue oje auike.

Nani, Kalunga ote mu kongo no muudigu mbuka. Esiku limue manga a koca, okua lala ondjodi. A cikama momukuju omunene. Okua li a sondjala, ihe omukuju ogua li gui iima nogua tiligana.

Momuti omue ja oodila ndatu oombuanaua, de ja mo oshita tadi kongo iipaluca. Omusmane okua ti koodila: „Kuacii ndje uo iipaluca!“ Nena oodila mbali oda tameke ouala oluimbo, tadi imbi; jimue oja tala omusamane e taji pukapuka komutse e taji tsonjanjo, nojo uo ja tameke okuimba pombanda neui ljo opala. Oda imbi oominate ntano noda muena okacimbo. Omusamane okui igidulula: „Kuacii ndje oonkuju; onda sondjala noonkondo!“ Odila ndjoka ja li je mu talele naale, oja tameke isheue eimbilo ojo ajike. Oji imbi uuminate uushona, manga oonkuauo tadi mu tala ouala nokupukapuka komitse; jimue ojatsonjanjo. Oda tameke oshita okupopja melaka ljado nokutala omusamane.

Omusamane okua li kee uvite ko naua oodila sho tadi mu lombuele, ihe okua kambadala okudiladila momuenjo gue. Okua dimbulula noku uvite, nkene da fa tadi mu lombuele ngeji: „Otse tua njanjukilua oshituci shika tue shi longekidilua ku Kalunga, onkee inatu hala tu hepice nando osha shomagano tue ga peua ku Kalunga, tse tu umbile pevi, aue, itatu shi vulu, tu fe jalue mboka haa hepica ngeji omagano ga Kalunga.“ Oodila oda tameke okuimba pombanda. Omusamane okua papuduka ihe moomposi de.

Okua li a kuminua ondjodi ndjoka. Ojo oje mu longa sha, noje mu dimbulukica oondjo duuhanagudi ue. Okua kugu pombanda ekuaco lja Kalunga. Kalunga okue mu silohenda nokue mu kuaca nokue mu jambeke, e ta kala niinima je ojindji nomizalo de odindji ngashi naale. Kalunga okue mu zaleke uo omizalo dokomuenjo, nenjanju lje lja ningi enene.

Omukuetu, pamue oluhepo luonguuo u lu na otalu ku ulukile uo onkaji jokomuenjo u ji na? Omukulili guetu okua hala e tu njanjude nomizalo duujuki ue.

Noa Markus.

## ONGODI JEHUPICO.

Okua li ku na omuntu e novana vavali. Aveshe okua li e va hole unene. Ovo kua li ve hole okudana mefuta Efiku limue eshi kua li tava danauka mefuta, efuta ola handuka nole va tuala mokati, vo okua li hanga va ningina mo mefuta va file mo.

He okua mona onunona tava uingine mefuta, nde ta haluka unene shili je ta njemata shaashi ine shi diladila. Oje okua faduka po ajuka keumbo. Eshi e uja keumbo, okua kufa ongodi jaje muene, ndele te i kupula mefuta ndele ta ti: „Kuateni ko kongodi amushe!“

Umue okue i kuata, shaashi e shi shi nokutja ngenge e i kuata, ita fi nande vali. Mukua o umue okue i dina unene e i sheka nokutja itai mu kuafa sha nande, ndele je okua fja, shaashi a dina ongodiinja. Hano uinja e i kuata ina fja nande, shaashi e i kuata nomaoko a vali a diinina unene a dama neenghono adishe daje. Eshi e i dama ngaho, oje mu tuala fiyo okonutunda. Ndele ta mono omuenjo, ndele ta shikula he nehafo linene.

He naje jo okua li a hafa unene, shaashi okaana kaje ka mona omuenjo. Ndele kombinga imue okua li a njemata, shaashi ovana vaje aveshe inava mona muenjo, nande a tja: „Kuateni ko kongodi amushe!“

Osho jo Tate jetu ou uomeulu e tu hole, okue tu tumina ongodi ojo fje tu kua te mo tuha fje komeva omefuta. Otu na ongodi jetu ojo hatu okukuata mo tu diinine, opo ngenge tua diinina, katu na vali ou te ja oku tu kufa mo nande nande. Hano ngenge hatu li kuatelele mongodi ojo Jesus, fje itatu fi nande efiku limue. Ngenge tu na Jesus notue mu itavela nokujandja eemuenjo detu kuje, ofje ovalenao, shaashi onununi itau tu findi vali.

Johannes Hilundilua.



## AAHOKANI AALUMENTU

na mboka mua hala okuhokana lesheni naua oohapu dika.

One aalumentu, hooleni aakiintu jeni, ne inamu ja ningila onjanja. Kol. 3: 19.

Omukanka guinakuguanicua jomulumentu ogu ohoole., One aalumente, hooleni aakiintu jeni! Mpoka pe nohoole, opo mpoka iinima ajihe jilue taji landula ko, ngashi omujapostoli ta ti., Ohoole ji nontalanteni, ohoole oji nolukeno, ohaji siikile ajihe, ohaji itaale ajihe, ohaji tegamene ajihe, ohaji ididimikile ajihe." Ihe mokutala ohoole jomulumentu omuhokani otu nokutala oohapu domepistoli lja Efesi, ontompolua ontu 5., One aalumentu, hooleni aakiintu jeni ongashi Kristus e hoole egongalo, nokui igandja molualjo, osho ngeji naalumentu je nokuhoola aakiintu jauo ongomalutu gauo jene; ongoka e hoole omukintu gue, oje okui ihoole je muene. Oshoka kaku na ngoka e tonde onjama je muene, aue, ohe ji paluca no he ji tekula, ngashi Kristus ha tekula egongalo lje." Tala oshiholelua shi cike peni! Ohoole jomondjokana taji jelekua nohoole ja Kristus muene. Tu taleni elongo li li mo. Kristus oku hoole egongalo, nando tse inatu ji ilongela, inatu ji iguanena. Oje oku hoole ouala molu ehogololo lja He, ngashi oje ota ti., Ojo ja li oje, no ue ja pa ndje, no kaku na ngoka te ja jugu ndje moshikaha shandje. Tate e vule ajehe." Osho uo omulumentu oku nokuhoola omukiintu gue, kaa je mu tale nge a guana nenge ina guana, omolua shoka oshike, oje e mu peua ku Tate. Ohoole ndjoka ji ikuatele konkalelo jomuntu, ojo ohaji kunduluka ohaji tenguka, ojo ojokombanda ajike. Ando Kristus okua li e tu hoole ngeji, ando ine tu sila. Ehala lja Kalunga lje ku pe omukiintu guoje, lje ku lombuele, oje oguoje, mu taamba, ngu mu hoole, oljo li nondilo li vule ondjole ajihe jaakadona jo opala.

Nishue ohoole ja Kristus je muningi gumue negongalo lje., Otse iiljo jolutu lue." Osho uo aahokanua ja ningi onjama jimue. Shika itasti tsakanicua kohoole ajike, aue, osho otahsi zile kediladilo lja Kalunga peshito ljomukiintu. Kalunga shokua adika a shiti omukiintu nokue mu etele komulumentu, nguka ota ti: „Oje esipa ljomomasipa gandje, oje onjama jomonjama jandje." Nena tapu landula oohapu dotango da Kalunga tadi popi uugumue uoondjokana no tadi ti., Onke ano omulumentu oku nokueca he na jina a kale nomukiintu gue, ojo no taa ningi onjama jimue."

Osho shika Omuaa Jesus uo okue shi lombuele aafarisaji noku ja dimbulucifa euco lja Kalunga ljomuugumue uoondjokana, shokua popi nokua ti., Kaje shi ue jaali, aue, oja ningi onjama jimue." Oko nkoka omujapostoli ta tungile ko ohoole jomulumentu jokuhoole omukiintu gue, ngashi e hoole olutu lue muene, oshoka tala tuu shoka tashi landula ko., Ongoka e hoole omukiintu gue, oje okui ihoole je muene, oshoka kaku na ngoka e tonde onjama je muene." Omulumentu ngu ua hokana, ikoneka naua ohoole joje jokuhoole omukiintu guoje, ngele taji pumbua okuguedelua ko.

Nishue ohoole ja Kristus oji igandjana. Kristus okui igandja molu egongalo, noje ote li paluca no te li njanjuda no te li talaleke. Osho uo omulumentu oku nokusila oshimpuju oompumbue domukiintu gue, ihe oje oku noku mu njanjuda noku mu talaleka uo, ngashi ohoole ohaji ningi. Kokutja iinakuguanicua ajihe jomulumentu oji li tuu mpoka., One aalumentu, hooleni aakiintu jeni."

Ihe omujapostoli ta guedele po natango, „Inamu ja ningila onjanja." Eeno, Kalunga okua ucile omukiintu evuliko, ihe oljo itali ti: omulumentu ota vulu oku mu puidukila noku mu tilila uululu auhe ouomomuenjo gue, aue, itonateni! Omujapostoli Petrus ota ti., Nane aalumentu, kaleni mu noondunge naakiintu jeni, ongashika nijuma kaji kolele, ne mu ja simaneke uo, oshoka ojo aacigululi jesilohenda ljomuenjo pamue nane, omagalikano geni, opo gaa pjakidilue." Otse atuhe ijuma kaji kolele, ihe unene omukiintu. Omulumentu ta vulu ngiini okutegelela omukiintu gue a kale e neguano sigo omulumentu kaa pumbue ando okuididimikila ue omapuko ge? Aue, omulumentu na pangele pandunge nokudimbulukua omukiintu gue, oje uo omucigululi guesilohenda ljomuenjo.

C. O. Rosenius.  
Elundululo

## AAHOKANI AAKIINTU

na mboka mua hala okuhakana lesheni naua oohapu dika.

One aakiintu, vulikeni kaalumentu jeni, ongashi sho opala okukala mOmuaa. Kol. 3:18.

Omujapostoli ita tumbula iinakuguanicua jilue jomukiintu, aue, oshimue ashike, one aakiintu, vulikeni. Oshipango shika ashike Omuaa. Kalunga okue shi pe omukiintu mu Paradisa, shokue mu lombuele, e ta ti: „Ehala ljoje nali ucue komulumentu guoje, noje ote ku pangele".

Ihe mpaka otatu uvu aakiintu nkene otaa pula, nani omulumentu ota vulu okupangala, ngashi a hala? Aue, hasho ngaa-ka. Naje uo oku nomapukululo ge no ngele ite ga uuvu, tala uo omujapostoli shoka ta guedele po „ongashi shoopala okukala mOmuaa." Hamolu omulumentu, no hamolu eguano lje andola omukiintu oku noku vulika, ihe „ngashi sho opala okukala mOmuaa", omolu Omuaa tuu, omukiintu oku noku vulika.

„Ngashi sho opalela Omuaa" shi nijima iijaali. Tango omukiintu oku noku vulika omolu Omuaa, ngashi tua ti, noshinima oshikuauo, oje e nokuvulika pamukalo guoopalela oohapu dika dOmuaa a vulike ngashi Omuaa te mu lombuele. Kokutja a kale te ecele omulumentu epangelo, ha moohapu adike nenge miilonga, aue, ihe chalo lje „li niue komulumentu", komuenjo gue aguhe „omolu Omuaa" omukiintu a taambe ehala ljomulumentu gue li ninge lje.

Ihe mokuvulika komulumentu omukiintu kee nokueca evuliko okuvulika ku Kalunga. Omulumentu ngele e hoole shoka shi nondumbo na Kalunga, omukiintu oku nokuuva Kalunga komeho gomulumentu. Ihe miinima jilue ajihe, omukiintu oku nokuvulika komulumentu gue.

„Aakiintu, vulikeni kaalumentu jeni ongo kOmuaa, oshoka omulumentu oje omutse guomukiintu ongashika Kristus oje omutse guegongalo noje omuhupici guolutu. Ano ngashi egongalo hali vulika ku Kristus, oshongaji aakiintu naa vulike kaalumentu jauo miinima ajihe. Ef. 5:22-24. Oshiholelua shika oshinene shili! Ngashi Kristus oje omutse guegongalo, negongalo, „omufuko guOnziona", ta vulika kuje, osho uo omulumentu oje omutse guomukiintu pahalo lja Kalunga na nguka e nokuvulika kuje.

Aakiintu vulikeni kaalumentu jeni, opo uo mboka inaa itaala ando oohapu, ja sindue komikalo daakiintu, nando oohapu daa po. 1 Petr. 3:1.

No muujuni uomujapostoli omukiintu nomulumentu haluhe ji itedulula oshita. Ihe nando omukiintu omukriste na kale e nomulumentu omupagani omululu, omujapostoli ota ti: omukiintu na vulike komulumentu gue. Ando omukiintu kehe omukriste e shi didilike naua. Nando u kale u noondunge nuunkulungu u vule uomulumentu guoje, nanena u nokuvulika kuje. Omupagani nando a kale omuinaji ngini, omujapostoli ota ti, omukiintu gue omukriste oku nokuvulika kuje, nando omukiintu ita vulu oku mu uvicila noohapu, oku noku mu uvicila nevuliko nombili nontalanteni nuudigini ue, pamue omulumentu ta sindua keifupiko no kohoole, no ta tameke oku diladila omukiintu guandje a holole ndje, nkene aakriste ojo aantu aauanaua. Kalunga na kuace ndje, nangame ndi ninge omukriste.

Onjama nombinzi ji nuudigu okukala mevuliko li cike mpaka. Oji hoole okutsondumbo neuco lja Kalunga, no taji tameke okupula, nani ngame tuu ndi nokuvulika aluhe? Ihe mpoka pe nOmbepe ja Kristus, opo mpoka onjama oji nokualelua komushigakano, nomuenjo tagu njanjukilua okuuva ijlonga mbika, Kalunga te ji tu pula, nokulonga mbika taji mu oopalele. Ngashi omusamane Luther ota ti: Omukiintu ngoka ta vulik komulumentu gue oku nenjanju enene mokutseja, evuliko ndjoka tali oopalele Kalunga. Ope nenjanju lini li vule ndika andola? Onke ano omukiintu omukriste na diladile ngeji: „Ngame inandi hala okutala omulumentu guandje nkene a tja, ihe shoka ashike nda hala oku shi tala, Kalunga nkene a tula ndj moondjokana no molua shoka nda hala okuvulika komulumentu guandje,

C. O. Rasenius  
(Elundululo.)

## DA LONDOKA IHADI JOITA.

Ou a londuelua oha kala a londoka. Oshipanga eshi tashi uja itashi mu kumu nongashi itashi mu hange, shaashi okua londoka.

Nafje jo otua londuelua keendjovo devaengeli la Kristus Jesus. Tu djeni ontuku jomulaulu nojeso. Onke tu kaleni ofika, tua taalela omutameki nomuanifi ueitavelo o Kristus. Hano tu kaleni meteelelo ngashi omukuanaluhapo a teelela eliko laje e li udanekelua., Penduka ove ou to kofa, ove u njumuke koufi, Kristus note ku minikile."

Alfried Lasarus.

# O U N J U N I T A U H A P U L A S H I K E ?

## O U N J U N I T A U H A P U L A S H I K E ?

Ovahnu vomounjuni aushe va tana neehngono momido 100 edi da pita. Momudo 1850 mounjuni aushe mua li ovahnu eemilioni 1171, ndele ne momudo 1950 va hangika mo eemiljoni 2378. Ovahnu va tana nee noilongo ja tandavele nomapja mappe a kokolua. Ndele nee oisho aische jaetana jo noupakadi tau tondokele omuhnu keshe. Ovahnu ve shi omashina eshi taa tane otaa longo oilonga aische nomuhnu ta mono etulumuko. Ndele nee ovahnu va puka eshi va tengeneka ngaha. Omashina eshi a tana omipja da tana jo. Omuhnu ta njengua okumona elao momalila aje a tja ngaha.

## O S H I L O N G O S H A I S R A E L T A S H I K O L E K U A

Ongashi ovaprofeti va hunganeka osho jo tashi ningua pomafiku aa moipafi jetu. Ovajunda akushe hava shuna kedu lookuku vavo. Ohava tungile ko omaumbo, omapja, eefabrika, oilando n. s. t. Koshilongo shovaisrael ku neulumo la kula. Aveshe hava longo, aveshe hava kedabala keehngono davo. Edu alishe la shituluka nokuli ndele nee tali shituluka vaali efiku keshe. Edu alishe la fa la dalululua noshilongo nando opo sha totua osha kola ngaa nokuli. Omaudaneka a Kalunga taa ka tuakanu. Oshiuana eshi she likongela efito lokutingua ku Kalunga otashi ka nangekua pahme nouputa. Ndele nee ngenge ihashi dulika vaali ku Kalunga otashi ka hutuka nando sha fa sha hovele nokuli okujambuka.

## O N G E R K I I K U A P A P U A .

Medu laGuinea Lipe mua hovelua oshilonga shetumo momido 1930- nadi da landula. Oita ja kula itivaali jounjuni eshi ja huama momambo omaangalo kamua li nando edina limue Oita eshi ja handuka ovahongi aveshe vomedu olo ve nokudja mo. Aveshe va diladila ehovelo loukriste aushe tali ka lemba pahma. Ndele nee hasho. Ovahongi eshi va mona ohmito okushuna ko va hanga ko edu la papulua naua. Ovahnu va taambula evangeli la Kristus diva diva. Inapa pita omafiku mahapu ovahnu votete eshi va sha shua nokuli. Ndele nee pua ningua ngahelipi? Omudo umue auke eshi ua pita ovashashua ava votete novakuao va fa va kana. Ova kanene peni? Omuhongi uako uolamba kua shangele ngaha keumbo laje: „Ovakriste vamu ova kanene peni? Ova ji koshilonga shetumo va tuale evangeli oko inaku uudika naale. Ova ja ngaa vovene va ka hepaululile ovapaani vomoilongo momoushiinda ondaka ja Kalunga. Ovakriste ava inava telela va kumaidue okuja. Ahoue. Ile inava teelela va ka mone mbela ondjambe ihapu. Ahoue. Inava peua nando olata imue ile ofilinga imue, Ova ja ngaa va ungule ve lilongele oikujaja javo vovene. Ova hafa ashike eshi va mona ohmito okutandavelifa evangeli nokupashukifa ovapaani Opaihme ku na nokuli ovakriste 112000 (ovahapu ve dule ovambo). Oku na ovafita 50, ovaevangeliste 700 novalongi 800. Ongerki ikuapapua, ngashi taji ifanua pashiuana papua, otashi futu aische. Ehanganotumo itali pumbua okujandja sha vaali Onaini ongerka jomOuambo ja kola ngaha?

## E F I K U L ' O H A M B A .

Okudja momuedi March odula ja pita, pa kala alushe eudaneko nelongekidilo lefiku mulo ohamba ja England tai djalekua oshikolone shouhamba.

Efiku 2 Junie 1953, olo efiku la hoololua no la japulilua li ninge efiku ledimbuluko mulo ohamba ja kolonekua noja japulilua epangelo okupangela ovanhu vajo. Mokutala efiku olo nda kala nokudiladila pahapu, unene mokutala nghene ovamati vohamba va djala naua oikutu javo, oilongo nghene ja djalekua naua oinima aische ja longekidua naua ja feua naua, omapandela a tulika a feua omanghuma taa sikua, ehafo linene mu keshe umue.

Pena jo ne tue shi pumbua natango, ngenge to tale noto lesa naua moundjovo ava mu na jo sha shoje, ohamba jeehamba ina jo efiku mulo tai tja, ndele efiku lajo kape na ou e li shi nande umue onge taku tiua: „Longekida eumbo loje koshola oikutu joje mefiku keshe,“ opo uhafele oshivilo shOmuene uoje ngashi venja.

S. V. Kaulinge.  
Windhoek.

## M o u n t E v e r e s t

Ojo ohmunda ile ji dule adishe dikua domounjuni. Okohulo jajo kua londua kovahnu neudo mefiku eti 29 la mai. Oule uajo ouc eemeter 9025. Hano efina lajo ngenge li li monii-pa ohnele jajo taji koja nokuli Olukonda. Hano oileleka. Omuuiliki uongudu ojo ja londa ko oje Hunt. Ohmunda ojo ji li mu Asia meehmunda da Himalaja, pongaba ja India.

## E g y p t i

otashi hovele okulipangela shovene nomugeneral Naguib oje ta ka lengua a ninge omupresidenti uotete ua Egypti.

## O m b i l i j o u n j u n i

haji halika akushe neehngono. Kape na ou a hala oita. Elenga la kula (eersteminister) lomEngland, Churchill, oku popja moshiongalele shobnnumba momafiku aa hnumbi oiuna aische ji nokuhangana ndele pu nokuningua, oshiongalele sha kula shomalenga. Oshiongalele osho hashi kandafana oinima aische taji djupaleke ohngalo jounjuni opo oupakadi aushe u kanduke po novahnu aveshe va uape okukala nokulonga ve nombili. Omadiladilo aa a pandua keembinga dihapu. Omalenga aveshe nava peue eendunge ku Kalunga opo va mone ohmito jokutota ombili ja kola mounjuni. Ndelenee ngenge va efa omalila a Kalunga ombili taji jonuka po shili.

## S E P T E M B E R .

- 1 D. Mat. 10: 40-42. Iil. 27: 1-13.
- 2 W. Sak. 7: 8-15. Iil. 27: 14-26.
- 3 Do. 2Mos. 22; 21-27. Iil. 27: 27-44.
- 4 V. Heb. 2: 11-18. Iil. 28: 1-10.
- 5 Sa. Jer. 22: 13-19. Iil. 28:11-16. Eps. 50:14-23.  
2 Tim. 2:19-21. Luk. 4:23-30. Eps. 50:14-23.
- 6 S. Os. 14 ja landula Uukuatatu.
- 7 M. Mark. 1:40-45. Eps. 117.
- 8 D. Jes. 40: 26-31. 1 Tim. 1: 11-11.
- 9 W. 2 Kor. 9: 10-15. 1 Tim. 1:12-20.
- 10 Do. 1 Tess. 1: 2-10. 1 Tim. 2: 1-7.
- 11 V. Mark. 14:3-9. 1 Tim. 2: 8-15.
- 12 Sa. Ehol. 4. 1 Tim.3:1-13. 1Aakuan. 17: 8-16.  
1 Kor. 7:29-31. Mat. 6: 19-23. 1 Aakuan. 17:8-16.
- 13 S. Os. 15 ja landula Uukuatatu.
- 14 M. Omajelt. 30: 4-9. 1Tim. 4: 1-5.
- 15 D. Luk. 16: 9-13. 1Tim. 4: 6-11.
- 16 W. 1Kor. 7: 20-24. 1Tim. 4: 12-5:2.
- 17 Do. 1Aakuan. 17: 1-6. 1Tim. 5: 3-16.
- 18 V. Joh. 4: 31-38. 1 Tim. 5: 17-25.
- 19 Sa. Ehol. 22: 1-5. 1Tim. 6:1-5. Job. 5:17-26.  
Fil. 1: 19-26. Joh. 5:19-21. 1Aakuan. 17: 17-24.
- 20 S. Os. 16 ja landula Uukuatatu.
- 21 M. Omajemat. 3:22-33. 1Tim. 6: 11-21.
- 22 D. Heb. 12: 4-14. 2Tim. 1: 1-7.
- 23 W. Job 2: 1-10. 2 Tim. 1: 8-18.
- 24 Do. Ef. 6: 18-20. 2Tim. 2: 14-26.
- 25 V. Heb. 10: 35-39. 2Tim. 2: 14-26.
- 26 Sa. Ehol. 2: 8-11. 2Tim. 3: 1-9. Eps. 75:5-8.  
Gal. 5:1-14. Mark. 7: 5-23. Eps. 139: 23, 24.
- 27 S. Os. 17 ja landula Uukuatatu.
- 28 M. 1Mos. 32:1-3,9,10. 2Tim. 4:1-8. 1Mos. 28:10-22.
- 29 D. Mat. 18: 1-10. 2Tim. 4: 9-22.
- 30 W. 4 Mos. 22: 21-35. Tit. 1.

## TATU KUNDACANENE EPUTUDO.

Eputudo miilonga.

Omuleshi guOmukuetu,

Onda hala tu taleni oshinima shimue hashi dimbiua kojendji jomutse mokuputuda omaluvalo getu. Otu na ejele ljomukulu tali ti: „Kumoho ilonga manga kuljo e li po.“ Ano otali ti: Omunona e noku-longa manga e li paakuluntu je. Omunona ngoka a putudua naua, mokudiginina iilonga, oje ota ka guanica uuanaua no komeho uo.

Sho nda tameke oshilonga shuulongi, onda dimbulula, kutja okuputudila aanona iilonga otaku pumbiua megumbo kehe. Moskola otamu dimbululua omunona ngoka a putudilua iilonga. Omulongi sho ta lombuele aanona: „Longeni iilonga“, ota mono uudigu. Oshoka aanona mboka inaji igilila iilonga, oja eta uupjakadi mooskola. Uunene aamati ja ecua ji ipangele. Ngele omulongi te ja lombuele ja tunge omambale nenge ja kolonge ja kombe, otaa tameke okutinda. Esiku limue taa jamukula, taa ti: „Kaandjetu ihatu kolonga“ n. sh. t.

Onke ano omuameme omusamane, diladila nkene ho putuda aamuojje! Onda tala aasamane ja gandja oshiponga shika maanona aamati, oshoka ngele omukulukadi a hala okuputudila aanona iilonga, omusamane ota lombuele aamati ta ti: „Inamu komba, ne inamu kolonga, ne inamu tsa.“ Esiku limue jina nge te ja tumu iikuni, omusamane ote ja kelele ta ti: „Kamu shi aakadona, indeni koongombe.“ Nena eputudo lja ningi euinaji. Omukuetu, ino joolola iilonga, aanona joje aamati manga je li po aashona ja igililica okukomba megumbo, ja topelela omaha ja kombe naua. Nongele jina ta kolonga oshipale, uumati nau peue uumbale ja humbate eloja. Ndele uunona sho u li po uushona u igililica okudanica iigunda jiiti. Ngele to ada aanona taa dike omagumbo gauo, ja kuaca ja dike naua. Putuda aanona, ngele aakadona, naa longue uo iilonga ajihe, ngele okulica, nenge okukanda, nenge okuka. Ano aakuluntu amuhe jaali omusamane nomukulukadi, inamu eca aanona ja putukile monjalo. Oshoka tala kuume okukalamuenjo kuoje nokuomunona ino ku tseja. Ngele ua dini epukululo ndika okuputudila aanona joje iilonga, aanona joje taa ka mona uudigu komeho. Ningeni aaholelua auuanaua joluvalo lueni, oshoka iilonga ngele haji digininua megumbo kaakuluntu, naanona uo otaa peua oshiholelua oshiuanaua. Omuputudi omuanaua oje ngoka ta longo aanona ja mone oshiholelua oshiuanaua muje. Omunona ngoka a putudilua iilonga, oje taji mu gamene kuuhalu ouindji.

Iilonga kaji shi oshiponga, aue otaji putuda. Otu na epukululo euanaua moohapu da Kalunga tadi tu lombuele, nkene tu nokulongela aantu nokulongela Omuaa tala Ef. 6:1-9.

N. Amadila.

## ONDJIGILILE NEPUTUDO.

Oku na omatumbulondunge gaali taga ti:

- 1) „Omushimba ihe eca ezimba ljaandjauo.“
- 2) „Ezimba lja shi ljaandjeni itali ku kuata.“

Omajeletumbulo ngaka taga caneke naua omikalo momuntu, kutja, omuntu ngele okui igilile omukalo gue guontumba omuanaua nenge omuinaji, oku nuudigu oku gu eca.

Osho uo ngele a hala okuilonga uo omukalo ngoka inee gu igilila nale, ota njengua uo oku gu taamba nauanaua. Unene moongundu domaluvalo gaantu ngele ga gongala pokuma, mooskola nenge miilonga, otapu dimbululua, nkene nima ngoka ta jemata komukalo guontumba, manga omukuauo te gu njanjukilua. Uukua-tja mbuka ue oluindji tau holola ezimba lje nkene a kala maandjauo, okuigilila omikalo omiuanaua nenge omiunaji. Omunona uo oluindji ha longica ngaa shoka he shi tala kaakuluntu je, oshoka osho i igilila omikalo doka he di lombuelua, he di uvu, no he di tala, oshoka osho a putukila musho.

Tala omunona ngele okuigilila okuikucila onjama mokambiga, no te shi ningi paantu jalue, ota holola uo kutja aakuluntu je inaje mu putuda naua. Ondjigilile

otaji fala mepuko, ongele euanaua nenge euinaji. Onke omuvali nomutekuli kehe guokanona na kambadale aluhe okuigililica omuputudua gue momikalo omiuanaua onga dika:

Oohapu da Kalunga, omagalikano, ooandaha nevuliko nohole okuhola aantu ajehe no iilonga uo.

Omukuetu, kuna aluhe momuenjo guokanona oombuto oombuanaua di kokele mo; opo, komeho ngele uaa po ue puje, nena ita uapa uo okutaamba omikalo omiunaji. Tu taambeni ano ekumagido ndika:

„Kaleni nomikalo doka doopalacana nevangeli lja Kristus, - mua kala mombepo jimue, ne mua tsompango jimue-“ Fil. 1:27.

Johannes Kalenga.

## ESIKU LJA HUGUNINA.

Onda li nda londo momashina esiku limue nduuka koshilongo shokokule. Eshina sho lja cikama posasiona jontumba, mpoka pua li pua cikama aantu ojendji, mua cikama uo kuume kandje. Okua li a njanjukua ngaa sho a moro ndje uo, kua heda ko tu minike. Ihe moshifala she nda lesa mo oluhodi.

Sho a mana okukundana okua ti: „Kuume, u uuvu tuu oshinima oshinene tashi ningua momasiku 20 ga Auguste?“

Ngame onda pula: „Tashi ningua peni kuume?“

Muujuni auhe., osho a jamukula. Ngame onda ti aue kuume, nande nande.

Aniua esiku ndjoka 20 ga Auguste motundi I juusiku, uujuni u na okuhula po. Onke ndi na uumbanda shili, shoka inandi ilongekida.

Gumue okua ti: Ngame oongombe niikombo jandje nde ji landica po nookuli ohela.

Omukuao ina vula oku cikama naua okua ti: Ondjugo jandje nde ji landica po, niimaliva ondi na oku ji nua po, manga esiku inali cika.

Kuume kandje mpano nda hala uo ndi ku londo-de ngaa kuume kandje ngaka.

No te ti: Ehulilo ljetu na ngoje pamue uusiku uonena, motundi 1. Oui ilongekida tuu, kuume? Eci-mbo ljoku ilongekida oljo ndika, ino tega ongula.

Nekundo enenenene.  
Bernhard Josafat Kustaa.  
Karibib. S. W. A.

